

Telerau a'r Amodau Aelodaeth Gwersi Nofio

Dylech ddarllen a deall y telerau a'r amodau cyn cofrestru am aelodaeth gwersi nofio ar ran eich plentyn.

Diffiniadau

- i. CF: Casnewydd Fyw
- ii. Ni: Casnewydd Fyw
- iii. Aelod: Y person rydym yn ei derbyn i fod yn aelod o'r cynllun. Os yw'r aelod o dan 18 oed, mae'n rhaid i riant neu warcheidwad yr aelod weithredu fel gwarantydd ar gyfer yr aelod a bydd yn gyfrifol am dalu'r aelodaeth
- iv. Chi: Yr aelod
- v. Cynllun: Y cynllun aelodaeth a gynhelir gan CF rydych wedi cytuno i ymuno ag ef.

Hawliau Aelodaeth

- i. Bydd pob cwsmer sy'n cael mynediad at Aelodaeth Gwersi Nofio trwy Ddebyd Uniongyrchol yn derbyn cerdyn aelodaeth. Bydd y cerdyn aelodaeth hwn yn parhau'n eiddo i Gasnewydd Fyw, bydd gofyn i unrhyw unigolyn sy'n colli neu'n difrodi'r cerdyn aelodaeth hwn brynu un newydd.
- ii. Mae Casnewydd Fyw yn gweithredu rhaglen barhaus sy'n rhedeg trwy 51 wythnos o'r flwyddyn. Bydd aelodau sy'n cael mynediad at yr aelodaeth gwersi nofio yn derbyn tair wythnos rydd y flwyddyn a fydd yn darparu ar gyfer unrhys gansliadau annisgwyl ayyb. Cyfrifir ffioedd Debyd Uniongyrchol gan nifer y gwersi nofio dros gyfnod o 12 mis, felly mae hyn yn cynnwys 48 wythnos/gwers (y telir amdanynt).
- iii. Byddwch yn cydymffurfio â'r amodau defnydd sy'n berthnasol ar gyfer pob cyfleuster hamdden, fodd bynnag, os bydd gwrthdaro rhwng y Telerau a'r Amodau hyn a'r amodau defnydd ar gyfer unrhyw gyfleuster hamdden, bydd y Telerau a'r Amodau hyn yn drechaf.
- iv. Rydym yn cadw'r hawl i newid telerau'r Cynllun – gan gynnwys y Telerau a'r Amodau hyn – unrhyw bryd. Mae'n bosibl y bydd hyn yn cynnwys ond nid yw'n gyfyngedig i restr y cyfleusterau hamdden y gellir eu defnyddio o dan y Cynllun, newid y gweithgareddau a gynigir ym mhob cyfleuster hamdden ac amrywio'r amserau pryd y gellir defnyddio'r gweithgareddau. Pan y cynigir newid sy'n fwy nag un mân neu dechnegol (er enghraifft, cynnydd mewn ffioedd aelodaeth), roddir o leiaf 28 diwrnod o rybudd i chi.
- v. Ar rai adegau penodol, efallai na fydd mynediad at neu ddefnydd cyfleuster neu weithgaredd hamdden penodol yn bosibl. Ni fydd gennych hawl i unrhyw ad-daliad neu iawndal pe bai hyn yn digwydd.
- vi. Ni ellir trosglwyddo aelodaeth.
- vii. Mae'r aelodau gwersi nofio yn cynnwys 1 gwers nofio 30 munud o dan hyfforddiant gyda hyfforddwr cymwysedig yr wythnos a nofio diderfyn i'r aelod yn ystod amserau nofio cyhoeddus ym mhob cyfleuster hamdden.

Dechrau eich Aelodaeth Gwersi Nofio

- i. Cesglir taliadau Debyd Uniongyrchol ar 25 ain diwrnod pob mis neu'r diwrnod gwaith agosaf ar ôl hynny.
- ii. Bydd taliad pro-rata yn talu am y cyfnod o'ch dyddiad cyntaf ar y rhaglen, hyd at y diwrnod cyn eich diwrnod casglu taladwy y mis canlynol. Mae eich Debyd Uniongyrchol yn daliad treigl ac nid oes iddo ddyddiad 'DOD I BEN'.
- iii. Mae ffi pro-rata yn daladwy pan fyddwch yn talu yn y lle cyntaf i roi digon o amser i chi sefydlu eich Debyd Uniongyrchol cyntaf gyda'r banc.

- iv. Rydych yn deall y bydd eich aelodaeth (taliadau debyd uniongyrchol yn parhau y tu hwnt i'r telerau lleiaf a amlygir uchod nes eich bod yn canslo eich aelodaeth. Gweler Canslo eich Aelodaeth Gwersi Nofio i gael rhagor o wybodaeth,
- v. Byddwch yn cofrestru ar gyfer cytundeb o leiaf 2 fis; bydd 1 rhandaliad yn daladwy wrth ymuno, ac wedyn 1 rhandaliad misol trwy ddebyd uniongyrchol.
- vi. Mae'n rhaid i'r holl ffioedd aelodaeth gwersi nofio sy'n daladwy gael eu talu cyn bod unrhyw aelod yn dechrau rhaglen CF.

Rhewi eich Aelodaeth Gwersi Nofio

- i. Mae'n bosibl y bydd CF yn caniatáu i'ch Aelodaeth Gwersi Nofio gael ei rhewi mewn achosion eithriadol ac yn ôl ei hawl i benderfynu. Mae'n bosibl y bydd hyn yn cynnwys achosion pan fydd cyflwr meddygol yn atal aelod rhag defnyddio cyfleusterau am gyfnod lleiaf o fis. Rydym yn cadw'r hawl i ofyn am dystiolaeth er mwyn cefnogi'ch cais cyn gwneud y penderfyniad.
- ii. Wrth ddychwelyd i'r rhaglen ni allwn warantu y bydd lle ar gael yn eich dosbarth blaenorol, fodd bynnag byddwn yn gallu, lle bynnag sy'n bosibl, rhoi lle i chi mewn dosbarth arall ar yr un lefel – Mae'n bosibl y bydd hyn ar ddiwrnod amgen, ar adeg amgen neu mewn cyfleuster hamdden arall.
- iii. Dylid gwneud unrhyw gais am aelodaeth i'w rewi i'r Tîm Aelodaeth trwy ffonio 01633 656757 neu drwy e-bost i memberships@newportlive.co.uk o leiaf 5 diwrnod gwaith cyn y dyddiad pan rydych yn dymuno i'ch aelodaeth gael ei rhewi.

Cyffredinol

- i. Os bydd ar CF angen cysylltu â chi, byddwn yn e-bostio, ffonio neu'n ysgrifennu atoch gan ddefnyddio'r data personol a ddarparwyd gennych wrth i chi ymuno. Os bydd eich manylion cyswllt yn newid, ei gyfrifoldeb yw rhoi gwybod i ni cyn gynted ag y bo modd.
- ii. Dylid cyfeirio unrhyw ymholiadau parthed eich Aelodaeth Gwersi Nofio at y Tîm Aelodaeth, Casnewydd Fyw, Pwll Nofio Rhanbarthol a Chanolfan Tennis, Pentref Chwaraeon Rhyngwladol Casnewydd, Casnewydd, NP19 4RA. Ffôn: 01633 656757. E-bost memberships@newportlive.co.uk
- iii. Nid yw'r Telerau a'r Amodau yn effeithio ar eich hawliau statudol.
- iv. Os bydd llys, tribiwnlys neu gorff gweinyddol o awdurdodaeth gymwys yn gweld bod unrhyw un o'r telerau hyn yn hollol neu'n rannol anghyfreithlon, annilys, di-rym, na ellir eu gorfodi neu'n afresymol, cânt eu gweld yn neilltuo ac ni fyddant yn effeithiol ar ddilysrwydd neu orfodadwydd y Telerau a'r Amodau eraill.
- v. Caiff y Telerau a'r Amodau hyn eu llywodraethu a'u dehongli yn unol â Chyfreithiau Cymru a Lloegr ac mae'r partïon yn cytuno cyflwyno unrhyw anghydfodau i awdurdodaeth unigryw Llysoedd Cymru a Lloegr.
- vi. Mae hyn yn gytundeb gwasanaeth.

Methu gwneud Taliadau Debyd Uniongyrchol Misol ar gyfer eich Aelodaeth Gwersi Nofio

- i. Bydd methu gwneud eich taliadau Debyd Uniongyrchol misol yn arwain at eich Aelodaeth Gwersi Nofio yn cael ei hatal. Ni fyddwch yn gallu mynd i wersi nofio neu gael mynediad at nofio yn ystod amserau nofio cyhoeddus.
- ii. Gofynnir i chi wneud y taliad cyn gynted ag y bo modd naill ai yn y cyfleuster hamdden, dros y ffôn neu ar-lein.
- iii. Hyd yn oed os bydd eich Aelodaeth Gwersi Nofio yn cael ei ateb, rydych yn atebol i dalu o hyd.

- iv. Mae'n bosibl y bydd methu bodloni eich nifer lleiaf o daliadau yn arwain at gamau gweithredu yn cael eu cymryd er mwyn casglu'r arian sy'n ddyledus. Chi fydd yn talu'r gost hon.
- v. Pe bai amgylchiadau nas rhagwelir yn digwydd ac mae hyn yn effeithio ar eich gallu i dalu eich Debyd Uniongyrchol, cysylltwch â'r Tîm Aelodaeth i weld sut y gallwn eich cefnogi a dod o hyd i atebion er mwyn i chi allu cadw eich Aelodaeth Gwersi Nofio.

Canslo eich Aelodaeth Gwersi Nofio

- i. Gallwch ganslo ein Aelodaeth Gwersi Nofio unrhyw bryd ar ôl y cyfnod lleiaf.
- ii. Mae'n rhaid i chi ganslo eich Debyd Uniongyrchol 10 diwrnod cyn casglu eich Debyd Uniongyrchol.
- iii. Cewch ganslo mewn 2 ffordd
- iv. Trwy ffonio 01633 656757. Bydd angen i chi ddarparu cyfeiriad e-bost dilys.
- v. Trwy e-bostio **memberships@newportlive.co.uk** Byddwch yn derbyn cadarnhad o ganslo trwy e-bost.
- vi. Mae'n bosibl y bydd methu canslo trwy'r dulliau hyn yn arwain atoch chi'n mynd yn atebol am daliadau ychwanegol p'un ai a ydych yn defnyddio'r gweithgareddau a'r cyfleusterau hamdden sydd yn eich Aelodaeth Gwersi Nofio neu beidio.
- vii. Mae angen i chi gadw eich cadarnhad o ganslo yn ddiogel oherwydd dyma eich unig brawf eich bod wedi canslo eich aelodaeth.